

臨武縣志卷三十三

人物志

河東柳子厚稱楚南少人而多石達哉柳州何斯言之激歟夫立道有二是曰人才不朽有三斯稱物望楚東西緯地數千里湘衡而上地益高水益駛山益崔巍磅礴鬱積鍾爲偉人亦往往素履敦篤穎慧而腴臨自漢唐前年代夔邈靡所稽覈宋元以來掇巍科拾上級與夫一官一邑之任其所建樹麟炳一時他及名儒碩彥潛德幽光忠盡義行孝友端方之士

臨武縣志

卷之三十三

人物志一

難更僕數謂之少人豈其然乎豈其然乎茲爲哀共品望之有關於典型者志人物

曹家玉識

宋

陳敬叟字炳然號巽溪博學能詩文淳祐間三嶺鄉薦咸淳甲戌中王龍澤榜進士授廸功卽主簿改耒陽學錄德祐北狩遂隱居不仕益肆力於詩文有巽溪集若干卷行於世崇祀鄉賢

李如雷居貝溪自號貝溪逸士幼精敏能文章宋亡義不事二姓所著作甚富崇祀鄉賢

詳見隱逸

陳章伯字奎龍父敬叟登進士第奎龍少習舉子業警敏讀書經目輒通大義才藻秀發補邑庠生屢校居先等人皆以世科期之德祐北狩義不仕元謝去舉子業力追古作平生闊略不治生業有田數頃亦輒易去取僅給而已曰無以多累我爲也茅屋數椽室中釜盎亦無完器唯是世積古籍及名家製種種收錄閉門玩讀雖寢食不廢嘗編輯巽溪遺稿其自著作及題咏若干卷名曰巽溪嗣稿示不敢忘先澤也茶陵尹見心序之曰時時織入誠齋樣度臨江皮公

臨武縣志

卷之三十三

人物志二

元由翰林出宰臨武見所爲文大竒之上其行於帥閩以司教玉林檄至竟不爲起而卒隱士李如雷銘其墓曰維陳祚周紹有虞其苗遠蔓蕃於莆繇莆而支此有居綿襪數百昭本初子孫繩繩紛簪裾維公卓犖雄萬夫筆端風雲縱橫揮人或窘縮公則餘有種不獲玉不沾白首齋志元宅歸公雖不恕來者吁明宏治間御史姜公綰謫判桂陽來縣爲建二先生祠以祀奎龍及楚舟公

李元貴紹定間制舉授全州助教時廣右崗獠人屢爲

邊患朝議勦之以元貴調兵食不乏廣右平賜勅獎
曰存心體國竭力助邊元貴勁直居鄉人有不平者
輒直之咸服既卒猶刻木以祀之有禱焉輒應至今
猶廟食於其鄉

劉凝齋司馬評曰元貴以方直既卒而人猶憚之有
不直者見其廟貌驚媿如有所以摘其伏者鄉民遂
神其說以詭世至今猶相傳云豈非惑哉然正氣在
天壤間固有不隨死而亡者此不足怪未可爲盡誣
也

臨武縣志

卷之三十三

人物志三

張熹字季智以甲科初仕平輿令持身廉介慈惠愛民
謝絕情面人不敢干以私時邑大旱躬禱未應熹曰
居官無善狀上千天恕災累小民乃積柴自焚主簿
崇小吏張化從熹焚焉火既舉霖雨如注是年大有
民歌頌焉

見水經桂陽
先賢畫贊

元

陳楚舟由明經授臯州路經歷楚舟敏給美丰姿泰定
間遣使於番番主遺以金帛等楚舟曰義不可辱吾
主卻之使還元主嘉其有功且廉其卻番賂御書雪

蓬二大字賜之以爲楚舟號勅有司爲建御書閣以旌之至今邑人稱爲雪蓬先生云

陳楚春字若雷至正中授天臨路教授元順帝初在南服至道州楚春爲詩上之有紅日馬頭天已近青雲雁背雨初晴之句帝喜面諭之曰此等老儒宜大用之乃居此職及北還御極以楚春充扈從官至京命題神州八景詩稱旨遂擢湖南廉訪使不拜以疾乞歸

劉凝齋司馬評曰楚春公巷遇庚甲帝而以文顯卒

臨武縣志

卷之三十三

人物志四

不食其祿何也豈亦有所見而去耶鸛鳴而先嘆所當不俟終日豈非知哉

陳嗣道字儀可號純齋少廉謹苦學不欲仕至正中縣尹劉耕孫以耆儒特奏名授本縣教諭令弟燾孫等受學後俱死於職語在存吾傳中

明

何繼嗣洪武間由歲貢任山西道監察御史有風裁明初吏治尙嚴急繼嗣端謹雖有所觸忤而能善其身以退焉

鄭彥譽字美中父宏中永樂癸未鄉試明年省試中乙榜署河南葉縣學諭彥譽侍宦於葉習舉子業穎異絕人方遣歸就鄉學會宏卒不果時以艱遠又不克歸葬權厝於葉服闋將扶櫬南還值英廟下徵賢詔葉令潘清以彥譽姓名上試可拜四川布政使司檢校時西番寇邊邑朝廷命將經略委彥譽任轉輸事以辦前後給食不乏將佐咸器之布政使邢公旭素聞彥譽賢乃檄往松番監粟前監者多以賄敗彥譽於惟正之外無毛髮取由是廉能之聲日聞兩臺交

臨武縣志

卷之三十三

人物志五

章薦彥譽適彥譽以秩滿書部考遂擢拜錢塘知縣四年陞按察簽事仍治浙江時大饑金華等郡民黨衆強發富家倉郡縣不能定彥譽趨赴便宜出官廩粟賑之不足則轉貸於富民民遂安蘭溪民潘蔭被兄誣劫盜抵罪死連議死者二十餘人獄成且五年彥譽鞠其寃與釋之湖州盜起處州賊陶得二等亦相繼嘯聚爲號彥譽卽率衆搗湖巢擒其首梅富以聞賜白金文綺若干又命譽佐戎務討處州賊克之以功級陞正四品俸轉廣東按察司副使食正三品

俸兩廣獠相繼嘯聚者無慮萬數所過攻陷城邑
暴師枕籍者且十年天順庚辰彥譽往督海道兵事
遂縛賊首邵宣以狗壬午又擒其首王紹祖等上念
嶺海久被獠患命將討之以彥譽在軍前監視嶺表
平御史葉公疏其前後勞於朝未報彥譽引年乞骸
骨請益力得請上以前勞賜文綺鏹寶有加先是獠
獠寇高廉瓊萬等處士民所在失業學宮鞠爲茂草
瓊尤甚彥譽分巡至瓊令郡邑有司修復廟學闢地
爲射圃羣弟子如法校之又檄各州縣遠近俱建義

臨武縣志

卷之三十三

人物志六

學若干所令民間八歲以上咸入學爲擇師儒仍領
於有司他日庠學子弟員缺於是取補文教大行彥
譽子男九人皆偉然乃折之於衡山衡陽及桂陽等
地而家焉其在武者半爾俊多世其家有孫簡以貢
生司四川江津學教當道檄往署縣事有冤獄議死
者若干人簡白於臺司與出之其家人後持數金來
謝簡大驚媿輒呵斥以走曰吾哀爾冤豈利之耶欲
執以聞當道其人哀懇乃得免殊有祖風也彥譽家
居踰年卒尙書淳安商公輅銘其墓曰衡嶽降神篤

生哲人際世熙淳爲國蓋臣小試以廉小受以惠邊
儲旣豐民政亦異外臺優涉鋤奸庇民佐理戎師殄
畔撫馴相彼炎州豕突狼嗜公復監師賊頸繇繫上
功大廷賚賜更番公患成矣義膽忠肝人以位驕公
以位畏引年之榮有識增喟公其已矣騎箕杳冥有
求公者視此刻銘崇祀鄉賢

劉凝齋司馬評曰鄜公奮起賢科致身臺憲顧值時
艱難萬乘遠狩潢池之內亦多無知以逞朝廷急於
用人而破格勤天下之士際會交泰可謂遇哉

臨武縣志

卷之三十三

人物志七

陳經字貫之少穎異年七歲即解文義人試以偶句則
應聲而出爲文亦不經索捉肇立就隨父壽鼎公業
於廣安學中州守柴公一見而竒之年三十登進士
第出知四川內江縣值歲儉甚民之逃移者半經在
任專意撫牧不爲新進華麗之行三年民復業兩臺
疏薦經擢拜監察御史時中貴人汪姓者用事經數
其罪於上不報會經以朝議註誤竟中之抵罪調外
出知營經縣大學士李公東陽贈經行有山連劍閣
千重險之句修撰謝公遷贈詩亦曰花封遺愛人猶

□鳥道嚴程馬慣行二公蓋以蜀道難傷經之行也
又有贈者曰丹山彩鳳驚初起白璧青蠅笑偶然當
時公卿無不以此意別經者而經卒不爲色動治營
經舉如內江舊政尋陞雅州知州以內艱歸服闋又
拜東平知州二年陞陝西按察僉事先是陝河決張
秋口朝廷屢議修築隨潰當事者多遭譴責改誘經
等越二年告功成遂有陝西之命分鎮寧夏時諸邊
苦於打秋青草之擾經議罷未幾卒於官經負性方
介然少褊雖久淹外僚卒不通尺素於在要官貴故

臨武縣志

卷之三十三

人物志八

人亦知之不深在山東時冢宰尹公旻家居經以公
務往濟南便謁之旻留語數夕甚洽別以詩曰當官
自昔遵三事守己從來畏四知又曰而今宰執多公
道不日徵書出鳳池尹公賢經之能守而以公道自
傷云崇祀鄉賢

劉凝齋司馬評曰陳公敷歷中外幾二十年身後無
擔石之儲豈非廉哉第遇孝廟時不以言顯而於疎
外終焉時乎其有以需之也

劉文相字廷弼少從陳公貫之遊博學強記尤好左氏

傳晚更妙契五千言之旨以歲薦授撫州府學訓道
九年陞璧山教諭尋以老疾仕時已年六十子舍承
歡悅母如嬰兒家居逾十五年而卒布政司叅議東
陽趙葉表其墓曰維先生情況易直率履嚴定平居
言笑不苟世味一切澹然方羣情傾慕而顧干將不
一試售何哉暮年家食著養心雜錄四卷居常誨人
以人值棖觸須寧心攝氣據理自徵或踰宿而心氣
和洽逆順自了人以爲得先正養氣之緒每觀左氏
城濮傳則曰劔孟之不盟其五鹿稽首肇之乎羽毛

臨武縣志

卷之三十三

人物志九

玉帛之對經畧帝業大較將矣循是而避之三舍伐
木有莘蒙虎設施癸酉館穀王宮踐土受策三覲無
非殷憂中得之炳炳可述而顧於河陽有狩何耶是
以君子觀其大也且曰岳武穆平生得力其是書乎
烈則徵矣抑善爲士者不武老氏藏身之訣從若授
之嗟乎乃築土室息交專氣致柔邑庠鄉賓之薦屢
謝不應卒之月先期得嗣孫秋闈之報時大司馬堯
誨膺鄉薦
徃蹇今利僅破顏色而以人物推重鄉評云崇祀賢鄉
王朝仰字子嵩少學舉子業穎異過人往拜東郭公之

門歸輒厭棄前所學因病偶得方外讀誦之默然右
所得一日聞有方士旅於二十里之外薄暮獨步訪
之時山谷中多虎人止之宿曰吾有鼎專烹虎竟不
顧而去家人勸之學及治生業則盱盱不對趨出遇
友朋談學術終日雖盛寒暑無所倦夜則隨地寢處
嘗飫於僧道家不自厭也靜坐如土偶人有契悟處
則輒避席起舞徙倚而長吟飄飄然一旦聞陽明心
齋之學初不之聽後以友人勸往試論之數日大悟
曰幾爲名教所棄吾昔以文義求儒宜其失之遠而

臨武縣志

卷之三十三

人物志十

有所逃也遂屏去方外書專究心易旨毅然以聖人
爲必可至方尙志治擔出學四方以畢所願竟以病
死死之日手作正寢歌以貽同志時年甫三十故有
我比顏子少一歲之句其自期許可槩見云平生無
疾言厲色善與人同獨任道則勇一切世情毀譽不
避蓋其天性然

劉凝齋司馬評曰吾友子嵩求諸古其狂之流歟三
變而至道如赴家然望堂寢於舉足間矣而死也惜
哉死之日庠士無踈戚咸哭之

鄜民望號石巖少負文名遊太學太司成呂公涇野甚器之三試畿闈不偶拜官雲南寧州同知時弟民舉亦選雲南昆明知縣併轡入滇滇大飢公兄弟持臺檄往賑活者數萬人檄署彌迷州多所樹立回視寧州篆撫安土苗奏免糧運寧民豎碑紀績委勘廣南府事其土官那鑑餽之千金峻拒之尋擢河南斷事遂致仕歸括俸餘買祭田若干自奉澹如也家居二十年未嘗私謁有司其操持亦可概見

劉明東號一溪性孝友年五十依屬父母左右一如嬰

臨武縣志

卷之三十三

人物志十一

兄弟素幼弱不治生產獨憐愛之盡爲代其勞瘁少攻舉子業雅好古文詞以貢丞浙之東陽東陽俗故黠悍疑獄積案不能治明東悉廉得其狀無不稱服東陽文廟久圯明東攝邑篆卽爲經紀其費不三月而功成委部南糧舊例以補買諸費索取於民甚多明東一切罷却故餉早得完屢乞休士民爭留之不得歸卽杜門屏跡絕口不談外事居常效歐蘓故事爲譜授族人又捐所積構地爲祠歲時率子姓祀其先皆如禮

胡彥聰事孀母能得其歡分產舉其肥者讓二弟以人才官重慶府同知恒捐俸以佐公費上下多賢之祀於名宦歸置義田建家塾族人多利賴焉

鄭民舉號秀巖少苦記問穎悟過人與兄民望從呂涇野先生講心性之學涇野作志說以贈之嘉靖甲午以詩舉於鄉與兄稱爲二難同謁天官民舉得昆明知縣民望同知寧州兩地相去不三百里諸凡事關大體必相與較量可否行之以故昆寧之民交相稱譽去之日俱祀名宦民舉後改知柳城

臨武縣志

卷之三十三

人物志十二

陳試號明軒事親色養如禮嘉靖乙卯舉於鄉捐坊金增置義田以贍族人之乏食者父產悉與二弟壬戌寇薄城下試單騎赴桂陽求救賊聞憤之焚其宅性樸素端雅人有善樂爲表暴多方成就之士以故多出其門歲以誕日祀之云

鄧世彥字子美爲人好學擇地而蹈壬戌之役與大司馬協謀募壯勇城賴以完以貢拜楚雄府判時武定賊鳳繼祖叛省會震驚朝命討之世彥謀畫居多捷聞賜金帛晉府同知議改上設流拊殘叛一時聲震

滇中署尋甸府旋擒賊首鳳歷再膺欽賞徙郡治獅山之麓虎噬人禱之明日虎死於路憲副張天福爲勒異政碑尤加意學校凡三署郡而三建學以身爲訓民風丕變去郡日士民遮留所在立祠自武定奉差歸遂乞休家居十餘年以讀書養性爲事刻心齋集公諸同志於家族立宗子主祠譜吉凶典禮一稟古法舊志稱其粹然淳正不負所學云

劉堯誨字君納號凝齋生有異徵美髯修貌沉毅寡言弱冠舉於鄉先讀書白雲山聞泰州王心齋學輒與

臨武縣志

卷之三十三

人物志十三

友人彭望之朝夕證驗悠然有得嘉靖癸丑成進士授江西新喻令以治行高等擢留都刑科給事中時東南患倭勢且薄南畿公抗疏論總制胡宗憲失策其畧曰有邲之役三帥違命春秋獨罪林父而畧先穀等重主帥也邇者功罪不明賞罰惟貨天下事大可憂矣䟽入相嵩領之又直浙以被倭故凡均徭銀俱先三年宿辦名曰提編法民益困甚公抗論以爲巧取民財不如黜浮費罷興作省冗兵已而視內府藏輒劾內外供應尙衣寺人多所破冒掊剋條析極

詳省局有不便者遂陰中之因引疾予告歸歸益力
學不問外事壬戌秋粵寇千餘攻臨武急攝篆者不
知所爲公率衆乘城禦之且募艾家兵爲外援奪賊
壘所樹幟賊驚以爲神引去里人立石以紀其績久
之朝廷猶以前譖奪公諫職士論爲之不平無何就
其家起補上海丞累遷上寶司丞連丁內外艱服闋
補順天府丞晉僉都御史撫八閩閩有巨寇林鳳劫
掠濱海郡邑尤猖獗公設方畧合方漢兵攻之遂有
東方颺港呂宋國玳瑁港之捷殲鳳黨並擒倭朶麻哩

臨武縣志

卷之三十三

人物志十四

諸衆而南澳一島介漳潮間賊往來憑之爲患公奏
設總兵居守以斷賊巢遂以爲例在閩過自檢約三
年積小賞之羨三萬餘金以資公帑晉副都御史尋
以單辭免歸丁丑冬起撫江西疏蠲積年逋賦二十
九萬零明年擢公少司馬兼御史中丞總制兩粵上公
疏曰臣受事以來覩近日法令條章幾不行矣上下
陵替賄賂公行無論官秩皆修筐篚以交於上而軍
中之政咸以賄成互相黨庇有聞變逸去莫能詰者
夫使督軍者不得從軍興案功罪雖集兵如林何益

臣請得以軍政條例從事乃禁餽遺汰冗浮覈名實懲貪冒修器仗先是諸將有縱賊林道乾兔脫者致伏法誅公申言曰法惟行於將領罰不及於文寮非所以示公也竟按海防官不少貸一時聲威肅然粵西鬱林木頭等八寨舊爲梗已且併龍哈唏咳二寨相煽亂當新建伯王公守仁時亦旋勦旋叛至是公始討平之酌善後七策因乘勝討滅猴嶺鮑時秀及擒斬倭寇海賊于東兩粵遂寧乃條畫粵西鹽法俾湖以南民不苦鹽而嶺東兵餉皆裕公益自節約輸

臨武縣志

卷之三十三

人物志十五

所積金至三十八萬用佐軍興費晉留臺都御史戶部尙書

改兵部尙書叅贊机

務會有誣公爲故相江陵姻戚者遂

乞骸骨歸郎衡陽家焉公神情凝淡語必當機與人交貌踈而意眞久乃益篤居常杜門博極羣品凡天文風角占候地形險要九彝情俗漕挽鹽筴諸經度世務之書靡不諳習蓋以資實用匪徒事淹洽也初與心齋講究埋學後益與王龍溪羅近溪耿楚侗諸公訂交研辨往復商確及予告歸時耿公書玩乾之□爲贈公味其言乃曰學貴純一一累情欲斯墮陰界

學者以爲格論嘗題聯云經世每從躬洒掃傳心自
許見庖羲又曰歸來仍白屋過去總浮雲觀此則所
養可知矣在江西建濂溪書院自爲記在粵時時相
江陵檄撤天下書院公曰此非盛世事惟兩粵書院
得無撤所著有虛籟集歷官奏議嶺南議左傳評林
臨武志若干卷萬歷乙酉秋卒年六十四公以兩廣
功食從一品俸受白金文綺之賜者六推恩及祖父
母以其官廕二一以兩粵功一以三品奏最卒賜葬
祭後寧夏以餉缺致軍譟檢公先年兩廣積貯銀三

臨武縣志

卷之三十三

人物志十六

十八萬兩給之始定朝廷益思公廉能加贈太子少
保入祀鄉賢

陳鎡字用之由椽吏拜永寧衛知事居家孝友嗜文學
每讀前史輒有所評擬尤好晦菴近思錄出入則攜
以自隨永寧爲邊海衛武流多安於世習鎡至與興
建廟學日延文士聚講藝文故泉中賢士大夫多與
之友善識蔡虛齋公清於未遇時雅相知好清得第
官南部銓司卽適鎡以秩滿入內爲文贈之曰夫佐
衛幕而能慎操履贊籌畫嚴泉貨之出入公訟獄之

是非得無怨咎於上下也足矣何暇籌及斯文於疇昔所乏之地哉君之分外事業如此則於慎操履贊籌畫誅奸革弊之類又何有哉使不制於命位任稍隆得從事於士民之間則所建立當何如哉吾是意天下之尙多遺才也旣擢拜雲南藩司知事藩中事簡得肆力於所爲藝文藩大叅沈公林遇之獨厚每退食以便服見公坐語移日林在滇藩前後四年餘進位右轄治山西去亦手作卷以別公若畧無堂屬之介者方伯屠半江公性嚴重每接屬吏吏不敢

臨武縣志

卷之三十三

人物志十七

平面視獨雅愛公別則留句遺之有明朝便涉湖湘水回首惟瞻雲樹連之句公守己清慎能文故諸公遇之多不以分長沙董公樸相繼爲藩伯見公雅飭與之語則多引古以自解心異之一日公出虛齋諸公詩文以示樸樸即援筆題其後曰吏部文章天下竒沈屠二老妙於詞吾兄有卷稱三絕不問爲人亦可知任新化州同以引年乞歸居家涼甚所得俸餘則求買田若干畝爲宗黨人祭田滇歸時有行李數笥咸猜之爲宦囊及啟視之則皆銅範祭器此外無

所有凡歲時及先忌辰必齋沐率族子弟祀之至老猶手不釋卷有弟鈞亦好學苦吟不治家人生業一日聞鈞有吟聲往貽之曰諸葛公長吟時已有桑八百株今若有之乎鈞起而謝不敏其相友愛多類此公卒鈞哭以詩曰存積舊書看到死蕭然還是未官貧至今鄉人猶傳誦云

曾朝節字直卿號植齋幼雋朗不羣警敏風發父贈公銳號松軒有潛德篤於孝友事太翁龍山公甚謹值有恚怒則匍伏伺其意解乃起嘗有誣其兄鐸毆人

臨武縣志

卷之三十三

人物志 十八

幾絕者贈公時方髫輒詭以自認曰非兄罪也事尋寢初讀書不克自達乃俛就藩椽史已改爲郡法曹椽遂家於郡每從劉罔卿穩赴學會究心性奧旨歸督諸子讀書郡廨中而朝節居長與弟朝符朝簡晨夕課誦聲琅琅達庭際郡守蔡公汝南鷄鳴起視事異而問之贈公以實對遂召試以藝大驚曰若有如馨兒翩然輩出而猶逐文墨吏自苦耶是皆翼汝青雲之上者大兒充其所造則尤顧盼千里贈公於是罷功曹益以擇師教子爲務公益矯然厚自期許年

十七補博士弟子嘉靖戊午舉於鄉時甫二十四會新安程天津講王心齋格致之學公從之遊天津舉問植齋義公曰節固欲自立也植則卓然無不立耳天津曰心爲性命之宅誠欲自立必於性命沃之當無不茂公契其言故爲學以攝氣斂神近裏著已爲功日與里中諸先輩攷證切劘若充然有得者疏水晏如不事請謁顧乃偃抑公車垂二十載視同輩先後躋顯秩而公猶俛首事舉子業不倦初未嘗有幾微咤際之色少自阻喪其意量固悠然莫測也萬歷

臨武縣志

卷之三十三

人物志十九

丁丑成進士殿試及第第三人授翰林院編修值史局三載遷侍讀辛卯典試南畿取中沈演等進國子監祭酒累官禮部尙書兩典戊戌辛丑會試錄顧起元許獬等諸名宿當時號稱得士公在南宮兼侍經筵前後䟽凡三上大端欲上修人紀以協天心勤民事以培國本斥諛佞以益聖聰覈請謁以端銓選愼將選以申邊防汰冗員以裕國用使庶政畢舉著爲成模執兩用中以時施措反覆數千言皆切指時弊上深嘉納之命置座右以備省覽時儲皇初建婚禮

始成上欲擇老成以資匡導以公充東宮侍講公每
因事納誨旁證曲引必歸於道東宮怡然采納遇公以賓
禮尊隆有加常問孔孟之學何居公對以博約爲功
博則六藝五經百行萬善是也約之則歸於正心而
已去讒遠色正心之助也公班侍七年規輔備至上
聞其忠勤眷注獨厚將以枚卜推公公屢疏切辭甲
辰正月十日公卒於京邸紅井衚衕年七十訃聞上
震悼不舉詔遣大學士李廷機右諭德蕭雲舉諭祭
葬如禮贈太子太保謚文恪別遣官護喪歸公嚴毅

臨武縣志

卷之三十三

人物志 二十

端謹不苟取與雖歷踐清華而簡約不殊寒素未嘗
一殖貲產以自私曾蠲金建來雁塔於城北爲郡藩
障又構地立會館於京師額曰瑞春堂爲衡永郴士
夫邸舍又置義田以贍子姓之不給者至今皆誦賴
之公家於郡常歸省臨族族人以門外小徑碍於騶
從議甃石闊之公不可曰徑傍爲鄰家田徑益則田
損非鄰之利也又議濶石橋曰橋下爲澗此無與於
鄰矣公曰吾祖若父於此旦出暮還不聞跼躅吾其繩武
躡舊焉可也其介而不夸類如此公立朝二十八年

小心謹慎履清行潔意欲力挽頽波匡廸國是蓋出其平曰講學窮理之功而措爲實用故非堯舜周孔之旨不以敷陳及疾憊猶書手解釋全史以進殆嶽嶽有古大臣風不媿也公詩文綦富皆蔚然成家一言然嘗自斥爲玩物喪志比之葛塊可以知養矣所著有紫園艸南園艸易測經書正旨臆言古文評解若干卷後祀鄉賢祠弟朝符朝簡皆相繼登賢書公艱於嗣以朝符之子廷棟爲後膺授上林苑監丞

羅廷輔字左卿性敦篤穎異過人十三冠童子軍博逋

臨武縣志

卷之三十三

人物志二十一

經史究心理學萬歷戊子秋試分校者特薦之有旁□之者不售後以明經任歸州學訓陞寶慶府學教授邵人士莫不佩服之迨解組歸猶率邑子弟講學於韓張亭後舉鄉賓者三享年七十餘至今猶有慕其懿行者

陳謨卿號臯明生而聰敏持身恭謹讀書以性理大全爲本初就童子試爲督學董太史其昌所首拔屢試冠軍慕陽明白沙之學動必矜式以陶淑邑人邑之名士多出其門邑令徐公天斗嘗語人曰是翁當於

古先儒求之今見聞中所罕得也卒年六十二
鄺祖濂字精之號一字大司馬劉公之甥天資英邁似
其舅而誠恪則過之日記羣書數百言每坐一室左
右圖史燦列行文得大家法學憲熊公人倫冰鑑也
彙考衡永諸庠稱其文義類許同安取冠多士繼登
萬歷乙酉賢書公車十六載淡泊自甘足不履偃室
尤潛心理學諸書嘗訓諸弟子曰春秋以上孔子集
羣聖大成漢唐而下朱子集諸儒大成後進習經書
宜以朱子集註爲宗當世以爲知言

臨武縣志

卷之三十三

人物志 二十二

盧思道號恪齋家貧事親盡孝初學於武陵蔣道林先
生後復從胡橫江學嘗曰爲學不在多言但能默坐
沉心體認天理則私意之發亦自退聽其行誼爲一
時名公雅重著有橫江集

鄧學古號慕梅由恩選任獲嘉知縣博覽羣籍爲古文
辭卓然有左史遺風所著有天常閣集

蘓朝同號樂吾家貧好學不以治生爲急以

授貢

瀏陽縣

諭轉唐藩紀善歷官十有六年嘗纂禮經翼註後學
至今傳習之

羅文圖號瑞寰聰敏英邁一覽成誦能讀父庭訓遺書
弱冠餼于庠冠軍十一次邑中著作多出其手所撰
有四六文集

鄭賢禎字文寧少嗜學數竒不售七困棘圍崇禎戊辰
膺貢選入兆雍授江西定南令居官四載清慎如一
釐弊剔奸留心民膜尤兢兢奉上諭以修練儲備爲
事督撫王公之良直指徐公養心交薦之癸未妖賊
楊細來以邪教煽亂賢禎以計獲其賊首餘始解散
邑藉以安以治行卓異晉雲南維摩知州未幾以母

臨武縣志

卷之三十三

人物志 二十三

老乞終養遂絕意仕進性嗜古博覽羣書尤嚴取與
一介有所不苟精岐黃術脉訣難經躬自繕寫全活
可數計卒年七十五

陳文政字公仁號寓菴謨鄉長子應崇禎末恩選天資
明敏襟宇疏曠下筆岬然多竒氣凡邑里公私贈答
慶弔之文咸資其作以故投贄丐文者接踵莫不瞬
息中次第酬答槩無所諉謝尤嗜觴咏或花間獨酌
或雪際招朋必竭尊倒篋刻晷拈韻興至則手鐵如
意顧盼婆娑雄談風舉皆據引掌故往往驚座客甚

則觴盡宵沉猶飭蒼頭貫醪山市及挾瓴歸則已累吟疊和矣弱冠時嘗受知賞於邑令昆山徐錫餘先生倡道力學凡經傳子史靡不淹貫試屢高等然卒絀於省闈明亡遂絕意進舉頽然自放僅以明經終人皆惜之性篤友愛嘗以所學切劘兩弟期底於成而聲望屹如領袖後進尤爲邑所膺服著有雪龕集子諸生才旦才旭克世其家學

胡鳳鳴邑東隅人少爲諸生性豪邁恥爲訓詁行墨所羈束窮奧深隱務爲淹貫以詩文自雄萬歷中由選

臨武縣志

卷之三十三

人物志 二十四

薦補明經除授四川安樂縣尹聲績偉然爲邑所協戴傲骨珊珊短於趨競秩滿遂引年致仕歸益恣爲吟咏著有子谷山人詩集嘗自爲像贊高自標詡傑致風生尋卜壽藏自製墓銘曰山分衡嶽鬱爲佳城達人齊化幽不殊明茫茫宇宙我自知生後將攷德式鑒斯銘其高懷類如此

王上許字葵中邑東隅人少穎異攻苦於舉業外尤旁洽書史嫺習聲律課業之餘輒口嘯手畫細咏修吟人莫知所爲襟度溫雅外諧而內辨雖市兒厮卒咸

敬慕之爲諸生時九赴棘闈中萬歷甲午副車坎壈
矢志晚以歲薦授寶郡學博再補永明邑諭科條一訪
昔賢湖州之訓由是郡邑中士習蒸變巡方使者力
薦之值繼母朱九秩生辰上許喟然曰吾以薄祿曠
晨昏得失孰多遂拂衣歸養載圖書累車教貽子姓
幅巾藜杖蕭然闖郭問意泊如也未幾朱卒結茅廬
墓矩矱先民鄉評賢之家居二十五年舉鄉飲正賓
者凡十有二年八十七卒晚歲悉芟其舊作題曰葵
中自訂稿子國鑄孫敷極皆諸生以德世其家

臨武縣志

卷之三十三

人物志 二十五

曹希魁字大中弱齡補諸生餼於庠每值兩試率操螯
孤高踞藝壇爲多士所側目而厄於進取闡戰輒困
恇悒侘傺遂放意搜博侈爲吟唱心慧手敏搦管立
就纒纒千言積篋盈笈然皆率口攄意不少事竄抹
糝句類詞畧無顧惜使屬以精思及之則何可量也
雅崇氣節歲甲申聞變咄咄怦怦投袂欲起迨丙戌
於郡設局鄉舉益嘆握政柄者忘危狎變盱衡扼腕
竟韜研束管獨不赴人皆異之未幾大軍果南畧
矣順治四年臨武始入版圖希魁循例當歲薦召之

不應遂遁歸山谷茹辛齧蘖臥水眠雲以壽終

國朝

文景新字箴民順治初首膺明經之選操行狷潔動循矩矱雖閤室幽牖必危坐肅容矢厲衾影圖史薺粥窮年矻矻里中浮少年咸畏而避之尋授監利司訓務崇倫教飭廉隅一時宮墻肅然及晉諭醴陵去之日羣子弟徵詩彙帙以志贈送之兩舍乃還至醴條教一如監利無何以邁外艱歸里悲毀癯瘠廬於墓前側者經年友人以其衰弱強勸之還古道先刑爲

臨武縣志

卷之三十三

人物志 二十六

近世所未有至今士林樂師之卒年八十餘

陳上鄉字元翼幼就里塾時輒務晰大義及補博士弟子員讀書益思求實用不侈泛涉性愷摯沉厚力崇古趨常云四子六經僅爲博取富貴之徑上之取士與下之竭意以應其求直空言已爾尙復計踐履乎使天下高卿相而薄聖賢者制舉也故上卿之事繼母也殫意曲承以孝聞於鄉里及與諸弟析產則推腴引瘠有薛孟嘗之風間值歲儉時艱輒出所餘與鄉人通有無窶者樂施之負者亦不計所償溫衷粹

行無所規樞而動合先民殆古所稱國之善士者歟
年八十餘終葬之日無親疏皆哭之子文林孫元才
才通皆諸生世稟家訓而力學好德識者以知陳氏
之將興云

鄭世仍字雲子弱冠以淹傳著授生徒講濂洛之學邑
之高士多出其門順治辛丑領歲薦八成均肄業二
載授州別駕待年赴補未竟志而沒世仍矜莊謹愿
而至性過人學窺源本幼失怙同懷兄諸生世講實
礪礪之凜若嚴師事無纖細得請而後動如良璞既

臨武縣志

卷之三十三

人物志 二十七

琢輝映益越其事寡母也伺形察響氣恬神愉宰然
以古人爲步趨下此若不屑也嘗避共華陰山獨奉
母先行慮臧獲不善承意躬自背負攀磴涉谿綦敝
困顧趨健自許懼親之憐而生卻也後母歿臨喪擗
踊一痛幾絕觀者憮然距今人往風遙士林中有談
及者猶爲之歛容古道之感人何如哉

陳文徽字公猷號典菴謨卿第三子雅善圖墨梅又別
號梅溪少補博士弟子餼於邑屢試輒高等性篤孝
友溫醇莊儉飭躬砥行於四子六經務殫奧義動準

古人居常兀處精舍牙籤錯列曹分部署雖宵深沍寒猶篝燈下帷不少倦每於羣集中談今古事宛轉風生瞭若指掌時或鑒度時務輒曲中機宜不爽冀得宣攄蘊積一售當世而六躡棘闈終老繩樞於是館授生徒多所裁就嘗訓子弟以育涵氣質爲人道先機舉凡過庭婉容立朝正色悉於此充養而出蓋用異而體同也操觚爲文直末技耳士論競師之於鄉曲尤樂周人緩急間有窶貧不克治喪者輒市棺給之不問所償著有梅溪稿存於家前令李公振麟

臨武縣志

卷之三十三

人物志二十八

嘗額其廬曰德行文章冢子才昇亦諸生之負時名者

鄧應化字企聖號正菴邑歲貢生武定郡丞世彥之孫獲嘉令學古之從子少穎敏有大志尋肆力於經史條貫綜洽時人目爲書府性謹厚方嚴絕美麗生殖之慕士出其門者課業而外必兢兢以名義廉隅相勗期嘗讀書金泉菴攻苦忘休臥致不親枕簟者凡十有三年一夕中夜見伽藍衛將忽躍起應化恬不爲異遽搖手止之曰毋毋其襟度類如此叅戎鄭公

名琦博而能文者每欽其高範延至寢所與談累宵
晝挾古發奧輒類引當代時務援譬臧否宛然指掌
若可施爲者鄭顧謂其友侯允楞曰此翁恂恂類迂
闊者今乃知之高知古齊知今此君殆兼之矣邑令
李公振麟舉爲義學師月主課會士林宗之年八十
二終學者咸惜其不偶云

曾宏毅字士可五歲失怙寡母李節婦也實鞠撫匡維
之宏毅英姿卓敏尤謹循篤於孺慕年十六列諸生
晨昏寢膳益曲承母歡邑侯徐公開禧聞而嘉獎之

臨武縣志

卷之三十三

人物志 二十九 七四

勗以程課由是益攻舉子業窮涉古大家文茹精吐
華屢試高等以行優舉於督學者再意有所展舒而
竟以庠士終子諸生美亦以長者著云

鄺載義字克禮弱冠補博士弟子員祖延緒中萬歷壬
午鄉試父執中邑歲貢生負時望載義承世德家學
之遺狷介自守行方言慎動不失尺寸家距邑城三
里許經年未嘗一踵闐闐間外此茸猥之行尤夷然
弗屑也晚節益以訓勅子姓爲務檢書灼茗蕭然娛
老前令趙公璫美額題其廬曰再見伏生年九十八

猶日健兩飭頻挈杖步隴陌間舉止輕矯無殊壯歲而燭遠聽微耳目槩無所苦望之宛在羲皇問也

蔣自修字如如生而敏異十歲輒能文邑令徐公開禧試之置冠軍十五補弟子員餼於庠爲太守張公恂所深契且詡然厚期之留郡署讀書凡六年張爲當時海內名家尤精於象緯易先天之學其督自修也月置課程試經書制藝晝則爲自修講易剖微晰要夕則引觀乾象次舍及占測休祲指陳娓娓宵深弗倦時或仰察星變輒擁袖嗚咽泣曰二十年後恐山

臨武縣志

卷之三十三

人物志 三十

川非舊觀矣吾寧先朝露勿及見此汝識之已復旁据古史得失類引條貫輒復躍然喜無非欲以有用之學相磨切也至若抉發古大家作者源委支絡軌局淳駁之異妙有心得自修雅師之歸而屏跡扃戶益肆力於藝林交奧中戊夜霜辰傾燈竭晷垂十有餘年崇禎己卯督學王公澄川於所拔諸士也洎康熙間嘉禾尹蔣公龍友聞其學聘修邑志尤倍膺知賞畢生攻苦屢以竒放見蹶凡十有一科不獲抒其志卒領歲薦補雲夢學博凡七年訓迪諸士動引古

人故多所裁就旋以老自乞歸里自修性溫藹篤孝友於鄉里間夙有長者聲嘗市一侍婢甫入室問之婢曰吾故有夫以歲饑鬻於人逋易兩主始及此自修大驚趣召其舊夫還之於市直一無所取其長厚類如此

鄭世培號晴嵐順治間恩貢由教習授浙江石門知縣蒞政宰民仁心爲質每事務崇大體不苛求瑣屑折獄時民之愚懦者多所原宥卽桀黠者亦必諄諄諭戒不遽置之理人以爲太和元氣充滿爰山語水間

臨武縣志

卷之三十三

人物志 三十一

康熙丙辰夏積雨彌旬偶聽政於堂堂領塌聲震林野遠近士民來救求之頽瓴積木中咸號泣有聲意其必不能全已而吏胥洞胸決脰死傷者纍纍公獨肢體無恙晏然如平時石人士神其事如曹廣勞之辨吳涵輩數十名賢咸相與歌咏叙述哀集成帙名曰福善紀異錄進土鍾朗爲之序見藝文

李晉興字康候號泉山幼負姿穎異聞人讀書聲輒默記不忘潛心理學言動舉止一遵先賢矩矱以拔貢司諭醴陵文章品詣爲士民宗先是醴學科目沌澶

晉興到任日勤講授獎勸士類明年鄉試文武三捷
雍正十三年逆苗肆虐屠戮黔民聞之髮豎每以年
邁不克執戟前驅致恨忽羽檄夜馳委之漕粟黔省
時有以灘險石惡道經苗匪巢窟慮不測者勸以年
耄辭晉興曰忝列一職不能披堅執銳爲國家敵愾
區區輓輸得以耄辭乎捧檄由洞庭溯辰沅而上卒
保無虞乾隆三年奉 文徵取書籍裝父文集暨已
集貢入七年陞辰郡教授孜孜以文行導士十三年
例行截取文至己捐館官署任醴十七年任辰七年

臨武縣志

卷之三十三

人物志 三十二

月有課季有考諄諄誘誨頗著成效平生手不釋卷
腹笥淹博工詩古文辭著有泉山集二十四卷行世
其卒也辰郡太守陳公嘉穀題以貞毅邑學博李公
掄題以文莊皆肖其人云

劉靖忠字恭則明大司馬堯誨六世孫也弱冠入庠雍
正元年選貢成均敦樸不染俗囂勤學問廣教育築
平山家塾課子姓多成立從遊之士牆舍莫容辨晰
經義淹貫諸書著有平山堂集藏於家生平肝膽照
人雖面折人過人亦敬服之子永孝輩皆名諸生

雷廷珪字執齋賦質聰穎博學能文章尤精書翰雍正
間選拔廷試後考取官學教習俸滿授湖北宜城知
縣幹事明練吏民畏之如神旋以防檢偶踈絀吏議
落籍杜門講學從遊者甚衆負劒辟咄委曲提撕門
下士通籍者凡數十人一時有儒宗之目卒年八十
餘

李繼白字蓮仙號毅齋性英敏文章華贍品貌俊偉雍
正壬子河間曉嵐紀先生寓臨陽見其時藝贊不容
口以爲有先輩大家風由拔貢考授縣佐歷任粵西

臨武縣志

卷之三十三

人物志 三十三

已乃擢粵東陽山令操守廉潔斷獄如神吏胥不敢
舞文所至民歌豈弟嘗於座右書箴以自警曰君子
固窮大人甘忠可槩想其風采

劉心忠字一斯以六世祖大司馬堯誨解組居衡隄遂
家焉籍隸臨武遊庠食餼禔躬端謹燕居不廢衣冠
薦志好學風瀟兩晦長手一經髦年猶作蠅頭小楷
所著有竹園雜記日省錄彙好編諸書兩舉鄉飲年
八十七以明經終

唐學淵字至菴性敏銳早歲補諸生食餼三十年詞壇

鏖戰屢拔前矛乾隆初以明經膺永順府保靖縣學
訓洩任四載教育有方未幾致仕旋里保邑士民繪
像以別並贈旗繖戎府張公天如爲之贊曰先生孝
友性成持身端恪文章上法韓歐理學遠追濂洛春
風風人此邦是鐸慨三徑之未荒思寄身於一邱一
壑持此以歸是亦古人之琴鶴太守駱公爲香贈曰
先生何許人也老子其猶龍乎皆道其寔云
曾承謨字從典號噩齋幼穎異長而軀幹俊偉弱冠餼
於庠乾隆癸酉學使葉花南先生遴貢成均 廷試

臨武縣志

卷之三十三

人物志 三十四

後授職州判丁丑揀發湖北委署江陵縣丞司堤工
乃戶置夫圩置長課民種楊柳廣積土石數年民無
衝決之患咨授蘄州別駕在任六年歷署嘉魚穀城
遠安通山黃陂諸縣事乙酉制府吳公達善撫軍李
公因培保擢知鍾祥縣政均乎杜請謁以外艱回籍
服除部選得四川盧山令調榮縣甫至蜀檄委縣修
威遠城工支發不苟工民稱便辛卯值小金川跳梁
奉調出口總理南路糧務駐章谷壬辰攻小金川隨
營管理種臺癸巳隨將軍阿進攻大金川駐當噶爾

拉五月題陞成都司馬六月西路功噶爾拉失事當噶爾拉旋亦被圍同事皆色沮獨忠靖白持奮不顧身將軍阿益嘉異之隨叅贊大臣富由約咱從巴底巴旺進攻得林卡馬奈甲午六月

欽差桂公林以軍功奏加知府銜授叙州府知府十二月在馬奈聞母訃泣懇奔喪大吏以軍需重大仍留軍營六年中經手帑餉四百餘萬兩糧米三百餘萬石以一身均平之丙申二月逆酋索訥木率其醜類二千餘衆降金川平卽又辦理凱旋臺站所過牢廩無

臨武縣志

卷之三十三

人物志 三十五

缺是年因富德案内絳吏議落職旋奉

恩旨調取入京

上問金川事據情奏對奉

旨仍以知府用丁酉授湖北宜昌府知府委署漢陽府事戊戌調補漢陽府供餽屏絕值歲旱捐廉煮粥倡率屬邑民賴以活壬寅擢山西河東兵備道蒲州河水湍悍潰溢頻仍乃度其堤岸壩堰插口一一經畫捐俸建河神廟保障一州民至今德之尋挂冠歸里年七十二卒子毓琪江南縣丞孫傳綱辛酉湖南武舉

采芹者復數人詩書不替

羅從虎字天風號東畹負質雋異弱齡籍於庠尋食餼試輒冠軍宗工疊錁其制藝乾隆戊子舉於鄉公車南旋左右就養不忍暫離家居三十年未嘗私謁有司博覽辟籍潛心理學著有四書集解未梓掌教本邑雙溪書院連州星江書院暨宜藍各邑講授精勤門下士登賢書貢成均籍庠食餼者近二百人泊居父母喪哀毀盡禮服闋截取都中閱五寒暑名公卿多器重之銓授廣東三水知縣到任一月值辰苗蠹

臨武縣志

卷之三十三

人物志三十六

動兵差絡繹取次供給境過肅然大中丞朱石君稱其善於辦理已乃改調陵水知縣署瓊州府同知捐廉脩 聖廟城隍廟養濟院課廸順湖書院振興學校陵水內黎外海商民時被海賊虜掠到任脩葺海港砲臺營房添設鄉勇擒獲洋盜渠魁梁二十黃亞盛陳亞養暨包志賢包世有等數十人賊聞風胆落不敢犯陵者數年兩廣督部堂吉賞銀牌荷包等物題奏捕盜有功奉

旨加五級方需次遷擢而以烟瘴沾疾遂決意解組自題

句云長留一瓣書香在不帶纖兒官樣歸上憲素稔其清慎不允致仕復任陵水以勤勞卒於官年六十一居官慈祥好德公暇撰有吏治卮言貴粟惜字恤婢諸說文勸世子五人淵源家學宗涵宗潞宗灝宗涪等皆有聲膠序中子宗瀛中嘉慶庚申本省鄉試捷音到粵臬司葉汝蘭先生贈聯曰家聲繼振三湘水政績猶有五指山識者卜羅氏之方興未艾云
鄭兆楷字君模號式齋性敦篤穎異過人弱冠補弟子員究心理學乾隆丁酉應貢選朝考後揀派四庫館

臨武縣志

卷之三十三

人物志 三十九

騰錄期滿以布政使經歷試用豫省歷署汝州州同鹿邑縣知縣彰德汝寧二府通判南陽府同知上副憲意下洽民心一時稱良吏焉豫省地當衝要軍務河工差役繁難辛亥秋臨江邪教事發委解首犯朱貴朱佩等赴熱河審辦七晝夜歷程千八百里乙卯撫軍阿委解餉銀二十萬赴成都丁巳湖北邪教事起部發帑餉四百萬委護送出境王事鞅掌不憚勤勞時以汝屬之信陽羅山等處毗連楚省檄調汝歸二營官兵鎮守委支發糧餉佐理軍務半年內會計

悉當拏獲賊匪數百上憲大喜戊午借補歸德府經
歷在任數載惟以恤民爲心癸亥秋衡家樓河決派
督麻橋廠事新舊兩載處置咸宜旋以丁母艱回籍
服闋後上憲檄催赴任因勞積過度足染瘋疾遂杜
門不出家居數載年六十二終子祥烈諸生祥煦福
建縣丞

陳才炎字柱石號我我醴陵學博文基之子慷慨樂施
與矜恤孤貧雖家無餘貲不顧也弱冠遊泮食餼館
授生徒悉遵蘇湖規條一以本之身者推之人洎司

臨武縣志

卷之三十三

人物志 三十八

鐸武陵必嚴飭官方觀察龔公深相器重任數年解
組歸田橐囊蕭然生徒垂涕相送釀金餽贖乃得還
鄉已又掌教連州書院一如司鐸時膺鄉賓者數次
風標岳岳人咸稱爲儒宗云

杜甘棠字超崑負姿穎敏與季弟峻元讀書有聲望峻
元爲童子時縣州院三試皆冠其曹偶甘棠奪前茅
以優等食餼人有大杜小杜之目性極孝父死廬墓
三年繼膺司鐸歷署縣教諭州學正任益陽時同僚
曹君紹官高其品使子弟受學焉觀察玉公尤深契

之貽以綽楔曰詩史流輝丁內艱歸與弟峻元聯床
風雨日相坊磨爲族中設義學貧無貲者咸得肆業
及之長子志庠己酉拔貢侄若孫俱噪聲藝林云

陳章字天相號吉齋端方坦易敦倫紀館授生徒除
講學論文外不稍假以笑言邑侯劉于二公聘主雙
溪書院以故嚴憚切磋受裁之士卓然各自成立歲
庚申由歲薦任新田縣司訓督課諸生於禮義廉恥
尤兢兢焉新人士沐其教澤彌切景行至有比之楊
關西者

臨武縣志

卷之三十三

人物志 三十九

續人物

羅從龍號碧齋從虎兄也牲明敏未弱冠遊泮潛心理
學褚文宗甚賞之旋食餼家居以課子孫均有聲庠
序

曾興祐字天眷幼孤遵父顯持遺訓甘貧力學遊庠後
試屢高等因母病遠涉求醫遂精岐黃術歲製丸散
施人遇貧病屢出藥餌不計償平居課徒最嚴輕浮
者望而斂容壽八十有三邑侯杜 金額其軒曰耄
學傅聲

郭如陵性孝友績苦於學至老不倦建東源書院置學田以勵後進書香綿遠

胡紹宗字朝用歲貢生秉性孝友五齡失怙善承母志肆力於學博通經史邑侯 宋公雅器重之主講雙溪書院講課精嚴邑中顯達者半出其門年八十有餘而卒

郭孔楸秉性誠樸雅重師儒壽至八十有九孫子皆克承其志孫崑山建枕泉書室造就頗多邑侯 翟允之贈以序

臨武縣志

卷之三十三

續 人物 四十

蘇良枋號經綸聰穎軼羣潛心理學爲文力洗浮靡自成機杼乾隆甲寅舉於鄉揀選知縣就教嘉慶間重修邑志延爲總纂旋任瀏陽教諭門墻肅穆勤於訓迪從遊者多所造就

黃道茆字文醴勵品肅型殫精理學嘉慶戊午鄉舉由截取部銓浙江永康知縣嗣補官雲南彌勒縣操履矚然一塵不染其地民苗雜處風俗鄙惡公以禮教先積習爲之一變邑人爲立生祠後升南安州知州卒於官

陳以矩字濬衡品行純正學問深醇童試見賞於張文宗嘆爲未易才旋食餼與邑孝廉羅東畹明經陳靈川爲友平居言語謙遜舉止端莊見者莫不肅然起敬以明經終

羅宗瀛號書田葆性率真樸誠自矢從父東畹公習舉業博綜經史立志不凡嘉慶庚申領鄉荐由截取補山東鄒平知縣勤於聽斷案無畱牘值縣蝗出舍於郊率役日夜掩捕得不爲灾至修學校興書院嚴訟棍戢盜黨尤著循聲以直忤當道罷歸掌教□溪書

臨武縣志

卷之三十三

續人物志四十一

院卓有師範子孫能以詩書世其家

杜秀春字樹柏早孤祖父調元適弟殿元江西萬年縣任卒於署公聞訃奔喪扶櫬歸塋跋涉二千餘里哀毀骨立旁觀感泣事祖母唐氏及庶祖母劉氏問視誠敬俱得歡心唐氏晚有瘋疾侍養數十年無稍懈素性剛介尙節義言笑不苟坐立不敬卓有家範持己謙讓待人誠信學師陳公廷標以嚴恭端謹額其堂著有日省篇功過格夙好肄書工行草隆師重道以詩禮爲貽謀子齊李齊房孫龍驤曾孫錦村皆有

聲庠序蓋書香接踵世濟其美云

李世純字克讓弱冠遊庠工書法由拔貢充教習以知縣分發河南歷任有聲官新野時獲巨盜膺卓畢將擢升階遂卒於官士民思其政蹟肖像祀之

唐冠賢字寅齋歲貢生少孤性孝友館某菴祝神曰祖母陳老矣有病其告之某夜如所祝歸陳果病家世儉素食無重肉弟祖炳體近瘠不皆以甘肥自奉潛授錢與交好者假飲食之應道光壬午鄉試以炳疾不往促之始行抵白沙夜夢炳披髮至遂歸越七日

臨武縣志

卷之三十三

續人物志四十二

炳染病死素謹言笑私居手足客無稍苟盛暑必長衣見窮丐殘疾與卑幼者必以禮鄉人以是畏敬之某訟歸人問見官怯否曰不若見唐先生也時有以姪控叔者俱爲所知事遂寢性嗜學枕以磚石貲即起倦或繞壁走時以爲書癡沒之夕子景皋厲京都夢僕人走告曰太翁至往迎之仗衛若大吏握左手謂曰不見兒三閱年矣奈卜吉有遠行不可延送之出即醒景皋馳歸誨歿時日果驗

蔣經賢號象啟庠生恂謹好學喜施濟邑中如新武廟

牛市渡古城渡悉割膏腴爲經始善終計晚年尤肫肫於修治橋路行旅便之子例貢生世侯善繼父志以觀音堂石虎山城隍廟風水山諸刹香田未廣各有佈施

周純禧附貢生字永錫賦性純樸幼事孀母克盡其孝爲人矜平躁釋未嘗與物忤或有急難恒竭貲調恤無德色

盧繼紳庠生字際日品端行潔簡默持重讀書外無所繫戀雅善風鑑恒以培養心相勵人授徒里黨間誘

臨武縣志

卷之三十三

續人物志四十三

□獎勸培植善類至今猶有思其風範者

鄺兆聘號任庵涉獵淹博綽負文名因怙恃早失遂致科名掣肘家居孝友謹言慎行德孚鄉邑公事推首質疑問難羣奉一言爲宗

陳健賢字毅菴弱冠遊庠試輒高等課徒館規嚴肅諄諄以立品爲先每至講堂正襟危坐雖盛暑無倦容生平持己恭待人恕故人畏其嚴而樂親其教

王國賓號光裕庠生性英敏律已嚴家居無逾禮尤好施與嘗於正南舖潭邊亭等處捐施茶田次子大士

邑庠生慷慨有父風咸豐年間土匪蠡起大士捐谷數百石與鄰村合立義倉守望有資境賴保全後邑城戒嚴又輸銀以濟軍餉教諭彭在潮卒于任乏貲大士代爲設法歸其櫬生平濟人之急多如此杜光爽號炳軒例貢生賦性謹愨能忍人所難忍以忠厚訓家尤好善樂施成人之美設有心田二字子孫代接簪纓永遵遺訓

李榮燦號昺岡家貧力學性剛正有幹濟才由拔貢官安鄉教諭奉委辦賑上官噐其能膺卓薦入都旋舉

臨武縣志

卷之三十三

續 人物志 四十四

道光己亥京兆試揀發雲南知彌勒縣潔己愛民案無畱牘分校癸卯鄉闈得士最盛調任寶甯弭盜有方民賴之陞甯州知州先是州民抗課幾爲變得公至開誠布公頑梗感化補蒙化同知撫馭回夷恩威並著擢守開化安南入寇公威信早孚悉受約退咸豐年間回匪之變攻城九十餘日外援未來內糧又絕屢瀕于危公與士卒同甘苦歷數十戰而賊退爲滇省首功未幾以勞卒于任

蕭家榮號耀堂居心渾厚事繼母以孝聞親友有貧乏

者必竭力稱貸乾隆丙寅歲旱設粥拯飢全活頗多
尤精于醫求者雖深徂必往壽九十有三

唐元龍邑庠生少喜嬉遊父歸純督之嚴迺壹志於學
受州尊 韓公知冠童軍入泮奉母教弟卓有休聲
晚年精岐黃喜施濟鄉人有不善懼爲所知時人比
之漢王彥方云

胡際盛字大成寒素自守積學勵行不屑與庸庸者伍
年已八十猶能鏖戰棘圍 恩賜舉人

胡作舟字相和負性聰穎工詩能文膺歲貢貢卒

臨武縣志

卷之三十三

續人物志四十五

杜承培少業儒賦性仁厚篤於天倫著有浣花溪詩稿
援例以縣丞分發江西旋卒

黃玉書邑增生性嚴介村後鳳凰菴豐於租有僧某利
其人袖數十金求納焉力卻之僧轉乞司事者卒格
於公論去生平一介不取多類此

胡錫九字壽堂思貢生秉性純厚詩書外無他好補諸
生後所造益深遠方學者雲集得其指授率多騰達
暮年好爲善舉邑人咸推重之

胡桂林字近道邑庠生性長厚績苦於學授徒甚多處

事毅然不苟後進多憚之

雷思簡邑貢生博涉羣書質直寡言好惡不苟人稱長者

鄭祥玠號璜溪文二都人性無遺英敏所學輒悟強記事親篤孝道光癸卯援例就教職初任慈利學宦間秉燭閱課卷坐房忽塌及啓視頽磚破瓦中有板二扇懸架蔽其體竟無恙越十餘日而訃至計房塌之夕即其母壽終之夕人以爲慈孝感應云旋籍後外謝賓客苦塊弗離喪務悉循古禮服闋任永州府訓

臨武縣志

卷之三十三

續人物志四十六

導後顧君接任家口繁重難自給學中別無餘欸以束修所積數百金盡遺之其行詣類如此

龍英球邑廩生性端方言笑不苟樂興人爲善著有桂籍句繹

杜廊章字德賢邑增生性情坦易不爲谿刻行家故貧購書市帖不惜貲人問之則曰以此貽子孫不勝于金玉乎精靈扁業噓枯吹朽不辭榮亦不計利迨長子學禮通籍官郎曹或有勸改途者公言此固苑文正所謂良相也小技云哉藉此以培植子若孫亦不

無小補其心術之仁多類此

杜日珩字寶田品行端謹學有根抵道光丁酉舉於鄉
歷任祁陽安鄉教諭道義交孚士心景附嗣選武岡
學正未赴任卒

王玉成號琢之由附貢援例就訓導軍功保升教諭任
華容兼辦賑務堤工皆有勞績

蕭士傑號偉堂援例以縣丞分發廣東委辦香山東莞
軍餉上官嘉其才將擢用煩劇以勞疾乞假歸里尋
卒

臨武縣志

卷之三十三

續 人物 四十七

廖騰芳字朝俊邑庠生性端謹足不履公庭遇邑公事
或一至終事即退晚年教授生徒鍼砭懇至得其教
者日循於矩殆足以振式浮靡云

杜振裘邑增生品端情淡雅有古風設硯授徒多所成
就年近八旬手不釋卷至今猶欽其品學

曾勳歲貢生胸襟洒落朗朗如玉山上行性恬退不慕
仕進尋幽耽靜雅以詩酒爲娛學問淹通後進樂師
事之

杜成玠邑廩貢生學術淹貫尤邃於易志行卓犖閉戶

讀書不預戶外務貽謀燕翼拳拳以東平樂善爲宗
鄧獻榮字宗璽太學生和平愷樂濟窮拯貧出自天性
遇有逋欠難歸者輒爲焚券人稱德焉其三子廩生
錫炎尤能善承親志端凝恬靜刻善書平險途至今
鄉里多之

陳英蔡太學生品行端嚴丰裁峻整性好施常儲膏丸
濟人遇有乞者必親手持贈積歲累年未嘗稍倦壽
至八十餘子孫皆有聲膠庠

曹道瑩字恢宏賦性醇樸言笑不苟邑有美舉樂於捐
貲嘉慶年間建石涼亭於馬渡墟坪行旅便之

臨武縣志

卷之三十一

三續人物四十八

杜學海天性渾樸自幼篤志好學讀書外別無繫戀雖
家近城市終歲不出一遊邑中多有聞其名而不獲
識其面者弱冠遊庠食餼試輒優等孝友齊家言行
必謹謙恭遜順與物無爭以明經終子孫肅承彝訓
譽播膠庠

刘玉清平田鄉人邑庠生賦性豪俠凡遇邑中公事不
辭勞瘁即如採買積谷一項完納多寡迄無定額至
乾隆年間酌定章程每担完谷三斗莫不踴躍輸將

官民兩便蓋公之力居多其子若孫均列庠序
石文起邑庠生西隅人賦性端重不干外事少負文名
至五旬後始入泮舌耕數十年誘掖後進成就頗多
間有歷官州縣者

駱知方字德高邑增生西隅入樸實和雅少勤於學屢
試優等造就人材至老不倦及門者遊泮食餼指不
勝屈殆不愧老師宿仔之稱云

鄭九皋字鶴汀邑廩生性豪邁能文善書試輒優等教
爲宗師所賞識

臨武縣志

卷之三十三

續人物志四十九

鄭祥昱字光臨邑庠生謹厚自持恬靜寡欲性好肄書
於顏魯公帖爲近世多重之

按嘉道以來數十年間人材輩出其筮仕服官者循
能疊著其型方訓俗者薦行可風洵足光榮簡編
興起後學惟志非家乘可比祇載本人事實其有
詳及祖父系及子孫者殊乖體例茲取有關事實
間附及之錄不及其存者例在然也

續耆壽

鄭崇涂字俊程素好詩書雅重文士善書法尤工于畫教諭

譚大鎬贈詩歌于行樂圖邑令楊方嶽贈以匾壽近九旬

胡才謨爲人恂謹子庚辛少遊庠壽近九旬翟憲隆禮待之

黃善道字盛才鑾一里業儒課讀束躬悃悞遇事竭力排解咸稱忠厚長者道光元年恩授八品頂戴享年八十八歲厥後蕃衍

曾毓鏞字君謨南隅六甲人性謹樸家小康好善樂

臨武縣志

卷之卅三

續耆壽一

施內外逋負者甚衆公焚券不計償人多德之享壽九十有六子孫林立克振家聲

郭孔楨秉性純樸子孫蕃衍壽百有二歲

黃租彬慷慨好義卓有幹材康熙初年徭役繁重所居與禾倉接壤尤當衝要彬時出私錢募役無闕供邑侯令張公于野嘉之贈額曰盛德垂芳與婦雷氏皆九十餘終子孫鼎盛

黃應試温厚和平不責人過年八十一逢

恩詔錫耆員越十餘年終弟及孫遊庠者八人

監生駱聖經五代同堂子孫在庠者九人邑侯胡廷
槐旌其門

胡明儀賦性質樸雅重師儒子孫多遊庠壽九十餘
監生劉賢俊好善樂施壽九十有六

九品職黃明韜字克用秉性耿直居家孝友爲鄉閭
所重子孫亦以詩書克其家壽九十有三

監生陳秀杰品端行謹壽九十有奇

廖朝賢賦性渾厚勤儉起家孫枝鼎盛壽九十有三
邱聖文幼孤貧稍長奉母歐氏克盡子職子孫蕃衍

臨武縣志

卷之卅三

續耆壽二

壽九十有奇

黃瑞光循禮守分鄉里矜式現年九十五歲

邱開基家僅中貲而隆禮師儒施濟貧乏出自性生
子孫多在庠者壽近九旬

鄭祥昌現年九十四歲

王忠球工醫術有求必往人稱長者壽近九旬

黃丹桂字壽聖品端謹援例貢成均教子有方著聲
庠序壽近九旬

黃玉碩隱德於鄉歷年八十四子四人長滿恂性仁

慈以家貧故懋遷養父撫諸弟備極肫誠率皆成
器道光間 恩賜耆員綵舞盈庭歷年八十六
父子皆以壽終

庠生陳昌言躬行整飭好讀書行善事以勤儉成家
孝友克敦子孫世守詩書壽近九旬

蔣道經壽至九旬猶強健如壯年子孫繁盛九品職
黃明靜字日昇秉性謙恭持身嚴整以勤苦起家卓
然樹立子孫讀書成名壽近九旬

何昌玖性渾厚壽近九旬

臨武縣志

卷之三十三

續耆壽三

監生李代聖雅尙氣節子孫多遊庠壽近九旬

陳能詠渾樸肫誠子孫盛茂現年八十餘

李濟宗好學崇儒子孫鼎盛現年八十二

又俊臺負性豪邁能明大義公事有不容諉者銳意
行之鄉人多賴其力三子學炳在庠年八十八
文俊墀守正不阿篤於內行親沒後每遇誕忌感泣
不已至老猶然至九十有一

萬肇智字國俊素性恬淡潔清自好同治元年 覃
恩賜九品職 邑候翟允之行養老禮設宴觴之

額其堂曰恩榮達尊壽八十有八

陳秀炎字美珍賦性謹厚子孫書香相繼享年八十有餘

黃明想古樸勤儉教子成名兒孫皆昌盛 旌九品

賤壽近九旬

壽婦

陳氏唐祖宜妻子五孫曾數十一門和順五世同堂
壽至百歲

游氏蔣世昇妻事舅姑盡禮相夫以勤儉起家昇八

臨武縣志

卷之三十三

續壽婦四

十壽辰夫婦猶齊眉氏壽九十有七孫曾數十人
五世同堂邑侯陳瀚張長庚先後旌其門

胡氏陳達聖妻善事舅姑佐夫以道子九人孫曾數十人
壽九十有二

黃氏周上均妻性慈和耐勤苦壽九十有六

郭氏周祚河妻三十餘而寡所遺孤僅五齡家亦窘
氏勤苦支持能光大其門壽九十

鄭氏龍自祥妻理問銜候銓教諭龍有蕙母也善事
孀姑克盡婦職壽近九旬

王氏何賢遠妻性寬厚子孫均在庠壽近九旬

郭氏王國賓妻性慈惠事翁姑以孝聞閭里有貧乏者周之子孫均遊庠壽近九旬

龍氏黃周銘妻佐夫勤儉起家賢聲著里閨壽近九旬

劉氏何壽榮妻有婦德日覩五代壽九十有七

陳氏曹孔綸妻紡績佐讀尤善逮下妾病故復鬻釵釧爲綸納妾唐氏年六十得二子親見遊黌序壽近九旬

臨武縣志

卷之三十三

續壽婦五

雷氏廩生周志廉之妻孝事翁姑課兒訓孫不啻紗幔文宣卒年九十有一

謹按嘉慶間省志忠義孝友耆壽統歸人物壽婦附入列女體例綦合今查臨邑奮志忠義孝友分門各編而耆壽又略焉弗傳閱者惜之茲於人物忠孝列女悉仍其舊別增耆壽一門較爲完備蓋惟我

國家德教覃敷邊隅沐化非惟文人學士各自振拔勉附於君子之林即委巷窮氓深閨弱質咸以

節義貞烈著於時不可謂非難能而可貴也至
於壽民壽婦踵起如林尤爲

熙朝人瑞用併彙輯以彰風會日新云

臨武縣志

卷之

三十三

續壽婦六

忠義

唐黃公諱師浩本邑鑾一鄉一都二里六甲民籍先世徙居地名金三鄉四都赤土村 公墓去村右上三里許地名栗山虎形枕西北趾東南有唐武陵黃公師浩墓碣夫人唐氏亦係出本邑金三鄉二里九甲小灣村墓在都赤土之左上地名南峯庵右側鳳形枕東北趾西南有唐誥封一品夫人黃門唐氏墓碣兩處陵墓赤土嫡派世守掛掃無恙 公之墳山廬墓固屬依然而鐘鼎彝器猶有存者 公生於十一

臨武縣志

卷三十三

忠義志一

月初二日自幼狀貌魁梧驍勇絕倫而浩然之氣足配道義與 漢壽亭侯類 公於唐會昌甲子舉鄉榜乙丑捷登進士第初仕廣西河池州州守疊陞副將旋領西都統滅賊奏凱晉爵武陵侯後因國家多難委身殉國 公嘗曰大丈夫生當侯封萬里死當廟食百世矢志之日則爲遂志之讖矣不特結纓赴難無渝素守而且蓋棺論定亦如前言勁節已著於沙場精英尤昭於奕葉歿後神靈愈顯鄉邦鄰封每有灾祲祈禱響應而旱魃遘虐徵應尤速故臨陽大

小村落立廟塑像虔祀甚殷而宜邑槩木石虎山中
愈顯神通嶽降先後數月燒拜香者如南嶽高峯焉
我邑 先正曾劉二公典型雖著而禦災捍患照曜
桑梓者惟公爲最謹將歷代封贈臚陳於後

唐封武陵侯

宋嘉定五年封廣惠侯

宋寶祐四年加封廣惠侯靈佑侯

宋景定五年加封廣惠靈佑顯應侯

元至正十三年加封廣惠靈佑顯應昭德侯

忠義

明

孟琳海州人正德中任典史形貌魁梧能挽強時獠人入寇至城下琳集衆乘城無敢有少譁者善以火矢中賊人遂解圍朝議以崙苗屢病楚粵間請計之往徵土狼兵兵不輯善掠將入關琳卽負甲提一刃往當之曰有敢掠者視此刃卒無所犯主帥素聞琳勇令統一隊約期赴轅門值連雨乃以後期抵死罪提就刑不爲色動輒嘆曰死矣惜無後爾主帥壯之從

臨武縣志

卷之三十三

忠義志一

末滅竟斃於杖下邑民聞而哭之

舊志劉凝齋司馬評曰若琳者所謂死事之臣非耶解城下之圍禁戢兵暴豈特知方畧哉亦其氣之靜定有以勝之也至今父老稱琳眞率有氣善挽強命中惜無後以滅又不得血食於我土豈非闕典哉豈非闕典哉

李興瑋字天玉巴陵人丰神俊爽嗜讀書以文章騰譽

一時雅敦氣節嘗言委隨漢

多可

少怪者直奴隸之耳

崇禎己卯秋試年甫十七中副乘房官章曠召見之

咄嗟曰吾昧目失天下士矣乙酉登鄉薦時邊圉孔棘一日朝盥理髮自指其頂嘆曰冰霜洊及此三尺青絲要當與丹心俠骨和盤傾賣知落阿誰手也督師何騰蛟聞其才令叅幕府固辭授臨武教諭是時有楚地任楚材之令何公得請輒飛檄以興瑋補授邑尹興瑋曰奈何以殘疆見屬吾殆死片牒中矣不得已拜命值羽書倥偬之際抑武弁招流亡汰徭役布衣蔬食民賴以安未幾大兵至執送衡陽興瑋從容彈冠振衣入軍門瞪目不屈定南王怒命守備賈

臨武縣志

卷之三十三

忠義志二

某監斬之司刑者叱之跽興瑋矯首曰死耳死耳若敢困我哉乃就刑賈憐之爲市棺具縑帛塋於城西時年二十七有臨刑詩二首爲時傳誦云

羅經本邑東隅人富而任俠正德間崗苗來寇經聞之傾囊得白金若干兩盡以募壯士夜縋城下劫之賊少却連出奇計大傷其醜類寇退主帥議招撫諸猺惶恐未聽徑出所愛子朝東往質之議成朝東始得脫歸旬日而歿副使章公袞爲叙其績有財殫於募士子歿于勤王之句壯其忠且義也

詳武功

謝端省祭本邑文化鄉人時獠獠叛服不常議者欲剿之而慮其黠悍端以子廷儀往質諸崗以緩其備因襲而戮之其國爾忘家如此

詳武功

黃金鉉臨武邑庠生以文行著崇禎癸未歲獻逆僞令朱衣點據城負固金鉉率其同里廩生黃大竒生員黃初建黃鼎鉉等義旅千人來攻屯於城外朱衣點聞之詐許以降及明辰侵曉霾霧四塞賊開城銜枚出咫尺不能辨賊鼓勇恣殺義旅凡數百執金鉉等被以極刑死焉黃氏家族與其鄉人尋導粵師平之

臨武縣志

卷之三十三

忠義志三

粵督沈猶龍後序首事死者姓名聞於朝未蒙贈恤而國步已變崇祀忠義孝弟祠

陳壽榮字朝貴文化鄉人任江西石城縣主簿性俠喜施雅慕古人高風雖家世夙豐於貲顧夷然不屑計籌也天順四年歲大饑壽榮盡括其村庄所貯粟得二千石悉上於有司聽其轉輸以佐國賑當路得之大喜爲聞於朝詔於其門建坊以旌之令其子孫世於驪田以衣冠蕃衍著云

文榮芳字道行文化鄉人正統間郡邑大饑榮芳出粟

八百石賑饑民賴以安邑宰欲申請兩院題旌其門
榮芳堅辭其好義逃名類如此

文敬江字蓬野榮芳元孫也亦好義家素封萬歷甲午
歲祲臺院移檄議賑敬江大輸粟以濟之邑大夫王
公聞於上司旌其盧曰尙義之家洎今人往風微猶
有能道及之者

劉際爻字藜軒大司馬堯誨嫡孫以祖官廕刑曹郎慷
慨有節操品端學博爲一時所欽服世居衡郡天啟
四年郡大饑際爻爲粥以食饑民活萬餘人撫按具

臨武縣志

卷之三十三

忠義志四

疏上聞部議加四品服以獎之

皇清

高溥順天密雲人由舉人知臨武縣事是時軍務倥偬
溥至撫輯創黎不遑暇食順治五年曹志建潛師襲
臨武擄溥及賈世威王立朝等入龍虎關脅從不允
咸遇害世威臨武營叅將立朝雲南阿彌州人臨武
學訓道

宮廷珍山東蓬萊人順治七年大軍收復臨武五月由
進士部選臨武知縣偕署叅將宋文定赴任六月復

聞有警宋叅將方黠兵教塲忽賊匪數百猝從西門入城劫宮令不從遂遇害宋聞變馳兵追逐事聞調牛泉黑同裨帥劉用楚征勦賊已竄伏莫知所往殷壯猷北直人臨武營叅將能詩工行草有儒將風順治九年李定國統衆數萬至衡州時志建已死龍虎關潰卒逃匿粵東之梅花崗志建妻率兵應定國道出臨武執壯猷以行至桂陽州脅以威不屈死

李正勇廣東長樂縣人乾隆五十八年由武進士任臨武營叅將拊循士卒不忍苛刻日取綱鑑朗誦反覆

臨武縣志

卷之三十三

忠義志五

玩味慕古忠臣義士爲人乾隆六十年奉調帶兵勦苗屢立戰功嘉慶四年復調湖北征勦教匪師次竹山縣之開陽坪賊衆大集勢不能支左右勸之走正勇叱曰吾奉命不能殲賊罪莫大焉敢負國以偷生哉汝等可速去吾死此矣左右遂皆奔竄賊至正勇屹立不動斬其首而去時年五十九事聞加等議襲廕一子雲騎尉崇祀昭忠祠

蕭萬竒臨武人康熙中由行伍累官至廣東虎門協左軍都司盤緝姦匪綏靖地方後巡沙亭遇海寇戰死

贈遊擊銜賜祭葬

歐國璋臨武人雍正間由行伍拔取任綏寧把總駐防錫坡哨乾隆五年苗叛奉委招撫各溪崗被執不屈而死議叙承廕一子恤喪祭銀百兩於長安營建祠祀之

陶起龍臨武人乾隆三十七年由行伍出師金川打仗攻碉節次立功三十八年三月蒙定邊將軍溫補授宜章營外委把總閏三月復攻當噶爾拉奮勇陣亡題奏蒙 恩賞卹銀百兩葬祭銀百零六兩祀昭忠

臨武縣志

卷之三十三

忠義志六

祠

陳綸臨武人以行伍起家積功至鎮筸鎮遊擊乾隆六十年辰苗叛亂綸卽日率兵征勦賊勢頗猖獗子武生恩錫隨父打仗陣亡綸被砲傷左臂鉛彈不能出事聞奉

旨引見賞戴花翎並給優恤銀兩着以叅將用回任未幾傷發身亡嘉慶七年奉

旨綸父子並祀昭忠祠孫書珠承廕八品監生

鄭陞臨武人任本城把總乾隆六十年奉調湖北征勦

教匪隨營効力積著勤勞嘉慶元年於湖北來鳳縣營中病故祀昭忠祠子襲榮承廕七品監生

鄺崇侯字邦伯文化鄉人其父悅德好善樂施嘗以膏腴十畝爲村中香火田崇侯克承父志幼習儒已乃嘆曰漢制孝弟力田非一科乎遂棄儒業農家以稍裕喜施與急者周之乏者濟之一切義舉不勝枚舉歷數十年猶藉藉人口好排難解紛鄰里中有以事質成者廉得其情爲剖晰數語罔不帖然心服前邑侯趙公嘉其行舉爲義民遺以綽楔曰德概可風卒

臨武縣志

卷之三十三

忠義志七

年八十餘邑侯姚公題以和惠爲傳其生平行詣子孫遊庠食餼者紛沓人以爲義行之報云

曾思孔字東山南隅邑庠生少失怙恃家政旁午患侮蜂集一一調劑之撫二幼弟尤極友愛二女兄皆早寡迎歸於家俾全苦節代字兩孤至成立教二弟五子先後成名倡修宗祠暨先師廟學署不自恡惜結交半名賢絕不與燕朋北勗子弟及里中人耕讀外無他務品端心粹好行其德邑侯趙公顏其齋曰蘊玉長子承謨以選拔起家累官至山西河東兵

備道一稟庭訓爲兢兢思孔年六十九身膺封典三
次學使葉花南先生嘗製序以贈見藝文

雷永道字性善性質直幼業儒因母病瘋痰棄學養親
晨夕不離子舍好義舉乾隆三十二年修建學宮文
塔捐錢十餘萬邑侯胡公奠域額以義甲臨陽其他
橋梁道路靡不解囊倡修鄰近有孤貧無倚者十餘
家人給田數畝俾耕種終老不計租戚黨中死無所
歸爲備棺槨以殯之貧不能娶者永道歎曰不孝之
罪無後爲大假以數十金往往有焚券者學使石褒以

臨武縣志

卷之三十三

忠義志八

歲寒晚節子若孫遊黌序厠成均者濟濟長子厠生仁尤
慷慨好義大營建捐金倡率矜孤濟貧人咸以爲善
繼父志云

鄺熹相字君佐幼涉經史試輒躋援例貢上舍好義樂
施邑中大營建率倡先捐貲幹辦精敏其他津梁亭
路衆人經始而不克藏者無慮數十百處靡不解囊
飲成邑令溫陳諸公咸贈以綽楔所捐田自學宮文
塔及該族祭田族子弟膏火鄉會試資斧併各茶亭田
先後共捐五十餘畝嘗購藥料手自製丸以備貧病

緩急之需諸如此類罔不竭心規畫卒年八十子三
長增貢兆麟季縣丞職兆崢咸克繼志以世其家次
子兆峒例授郡參軍職尤喜施與曲承父志丙子修
南楚志邑大夫擬編邑乘憚其資費不給峒歎曰邑
乘備一縣掌故盛舉也已而自捐外倒篋得番銀百
五十元袖迭局中曰此吾先君志其疎財仗義類如
此

續忠義

周楚善咸豐五年夏粵匪竄境團勇所守東卡被賊闌

臨武縣志

卷之三十三

續忠義志九二

入善獨率勇抵敵戰甚力因賊衆不支歿於陣時周
青祥周福芝等七十餘人皆同戰死

周肇漳咸豐五年團村東卡之戰漳奮勇當先斬馘甚
衆追賊遇伏陣亡

周龍盛周二文周象天周包林黃新元黃士林劉應喜
周德才周才明均于咸豐五年冬隨叅將趙永年赴
魯光洞勦賊奮勇爭先被圍歿于陣事 聞入昭

忠祠

譚秀桂字孔彰咸豐年西粵匪入境奉母避山中賊見

母逼之而未見秀也秀聞聲出救賊執之其堂兄達
裡者挺身出曰吾弟孤請以吾代賊並執之均死
劉必利咸豐五年粵匪由牛市至葡萄灣恣意焚掠必
利憤不顧身自往擊之遇害其長子良古三子通古
見人被殺罵不絕口願與父同死賊並殺之
監生譚昌琳管帶團勇累著功績叅將趙永年雅重之
魯光洞之戰被圍數重右衝左突賊皆辟易先是琳
潰圍出以未見趙叅將復入陣救之因中礮亡所部
廖元拐等均死事 聞入昭忠祠

臨武縣志

卷之三十三

續忠義志九三

羅一理咸豐十年西匪竄境理扶母避往山中賊搜至
見理壯其貌欲挾之去理呼母泣賊怒脅以刃罵賊
自刎

吳振道字永傅好謀任氣卓犖不羈以弓矢從事材官
叅戎王錫朋器其能錄入馬隊道光壬辰連州猺匪
滋事振道隨王公出征入鷄籠關伏起王公中鎗正
危急間振道馳至救之出且戰且行乃免於難累功
升桂東千總擢九溪營守脩咸豐元年髮逆洪秀全
襲永安州向軍門派振道與鄔都統爲左右翼行至

大洞嶺振道方蓐食鄔不介而馳振道往援力鬥不支被害事 聞賜卹如例子仁剛承襲雲騎尉

杜文蔚素精武藝志圖報効咸豐五年六月賊至蔚單騎先出迎戰殺悍賊二名力竭陣亡

杜官太咸豐九年八月禦賊於鳳頭嶺陣亡

曾審賢咸豐九年在乾渡陣亡

黃石太素精拳捧咸豐九年四月在牛市陣亡

羅耀南字德化邑庠生性任俠重義輕財常慕傅介子之爲人雖讀書恒手長短經數篇咸豐年間屢次辦

臨武縣志

卷之三十三

續忠義志九四

團勦賊功最著邑侯吳 灝盧肇煦倚爲干城累保知縣 賞戴藍翎嗣官粵西修仁知縣兼牧象州維時其地民賊不分耀南至開城招諭姑迎官入城甫二月餘鄰境賊蠡起耀南躬自督勇扼要防禦寢食俱廢先是咸豐五年冬堵賊于桂郡九頭關遇伏傷股至是創發不可治歿於大蘿村營次

曾福履江西人來邑爲油匠咸豐五年夏賊至脅之圍城會賊穴地進攻守堞者未之知也履於黑夜乘間呼守者告之故城內得灌水墮其隧道賊覺鬻割履

大罵而死是役也危城克保履與有功焉
周秉元邑庠生振羽之父咸豐九年三月賊至元往諭
降不從罵之被害

車田巖距縣城十里許東路一小村落也村背一巖門
甚仄內坦平蛇行以入透迤三里餘約容數百人咸
豐十年十一月賊由廣西出繞道經此團長曾繼盛
鄺騰飛議將老羸男婦避入巖腹盛率丁壯迎戰賊
初來甚少擊退尋大股至盛料力難敵引所部左旋
入巖以石閉其門賊覺之分陣環攻蓋迫之降也巖

臨武縣志

卷之三十三

續忠義志九五

中人固守不出賊怒甚啟其閉焚毒草薰之盡殲焉
邑侯翟允之親詣祭之所斃曾姓四十四名鄺姓一
百九名黃姓十六名其餘轉徙在外未經入巖者僅
存十五人村幾為墟

傅周年咸豐間帶勇擊賊屢著勞績五年冬隨同叅將
趙永年追賊至甯遠魯光洞奮勇直前被圍遇害事
聞 賜卹子昌鄴承襲雲騎尉世職

監生孫繼祖水東團總咸豐九年粵賊由宜邑泗溪竄
入水東繼祖率鄉勇禦之撤溪橋以斷賊路賊忿繞

道圍攻被執不屈遂遇害

武庠黃學淵咸豐九年追賊至郴境野牛洞賊回鎗相向墜馬死

庠生劉祖典儒童李紹蓮咸豐九年三月賊至二人督勇力戰陣亡

羅紅發咸豐十年正月在沙田墟陣亡

石連陞賀異青俱牛市商民咸豐九年三月在牛市禦賊陣亡

曾傳焮咸豐七年在江西陣亡

臨武縣志

卷之三十三

續忠義志九六

鄺祥熊文化鄉咸豐四年十月在胡家山陣亡孫螽羽
鄧國賜咸豐五年七月在連州陣亡
廖平昌咸豐五年七月在連州陣亡

邑庠生曾繼宦國學彭青選國學譚昌琳國學王圭
杜三桂曾日新玉邦賢曾得才鄺凝傑駱濟霖黃錫
禧周明德蔣發喜王金龍曾傳禮蕭連陞鄺紅興孫
有得羅俊傑羅陞太胡應喜曾繼生唐宗虎李蘭生
杜向林何安國唐飛雄唐玉棟劉德寬黃得照楊玉
成李祥隆駱高魁周延義蔣金元曾傳福羅楚英陳

光得曾又禧陳英貴曾毓禧何良英駱慶榮胡楚英
羅開壽曹應球曹應湘曹祚翌曹曰練羅仁壽李石
昌周才文周道亨周龍盛周二文周包林陳公喜蔣
四思邱王開邱教明周善保周祖盛周天林周祚永
蔣才喜蔣先喜蔣神保蔣獎崽王竒發羅元喜郭發
士郭占吉郭宗元郭昌林傅周年蔣晚盛蔣巨送蔣
貴迭蔣張德蔣盛祥蔣四麻子蔣壽齡周祚郡黃新
元周良文譚九發鄧榮興李賜福周德才周延禧何
邦晉蔣春生蔣承宗蔣德祥劉應喜周楚善袁紅喜

臨武縣志

卷之三十三

續忠義志七

羅安定劉田賜楊玉成易金石賀重喜羅壽德黃德照
黃繼瀛曹金昌畱竒迭彭漢瀾畱賜意邱聖睿黃洪
禧廖元迭劉齡先蔣香杏郭文發蔣書祁郭金林蔣
生喜黃孔恕陳友太黃孟傳蔣老閣蔣正祥蔣文盛
蔣周迭蔣周昌蔣金迭蔣孝文蔣盛貴蔣士靈鄺祥爻
謹按官紳兵勇歿於陣者奉

旨入祀昭忠祠例應脩書銜名附於志內昭忠祠後所以
爲効忠者勸也茲查臨邑未建專祠均附祀昭王廟
內誠慮歲遠年湮牌位遺佚姓名亦泯焉不傳爰將

咸豐年間征勦粵逆先後陣亡紳勇姓名悉登忠義
志未將來建有專祠亦可按名入祀庶不失
朝廷褒卹忠義之意云爾

臨武縣志

卷之三十三

續忠義志 一

孝友

元

李孝子臨武文化鄉人居家孝友有司嘉其行以聞至正間旌其門曰孝子云惜其人名不傳

明

艾朝偉臨武平田鄉人性至孝嘉靖壬辰猺獞來寇偉父母年皆七十餘賊猝至不能避偉於妻子無所顧先負其父出匿於山澤間回視其廬已被圍矣復冒圍而進出其母母就執偉以身格之幸可脫賊羣至

臨武縣志

卷之三十三

孝友志一

竝執之偉曰貲貨俱在獨不欲驚吾母賊先刃其母以怒偉偉抱母連呼死者三遂遇害

王桂枝臨武北隅人性和易事二親於凡定省之禮無所違死則廬於墓側歸又以木貌其親時享於寢有出入則面而告之如生然前桂陽守戴錄聞而賢之額其堂曰孝順可嘉縣令譚孔言則大書姓名於旌善亭嘉靖三十三年御史朱瑞登按府令有司得舉所部內善良儒學生及耆宿等以桂枝姓名對有司一上其事報曰可仍令表其宅

曾朝簡號涵齋性沉嘿端靜聰悟天成舞象時卽有志
聖賢之學事二親愉愉翼翼出入必告事其兄大司
成植齋若嚴師歲丁卯領鄉書甲戌入試南宮□其
父封公訃鬱結自傷深以未及永訣爲恨歸而拊棺
大慟亡何謝世其天性篤孝若此事聞欽賜孝子進
士立坊旌之題曰玉堂綸褒坊在衡山路龍隱橋今
現存

杜能嘉號前塘至性過人每讀書必求爲實用母曾先
喪悲感傷人事繼母唐與生母無異繼母終父伯祿

臨武縣志

卷之三十三

孝友志十

老而鰥躬溫清者二十年如一日父疾日嘗藥衣不
解帶及卒哀毀如不欲生邑人共賢之崇禎間知縣
徐開禧式其廬題曰孝思維則巡按溫臯謨爲上其
事於朝命建坊旌之

曾宗卷號備齋家至貧事親竭力以奉甘旨母病親滌
溺噐及病將殆醫謂得糞之甘苦乃可治宗卷嘗之
知不可療伏地痛哭母死父復病足晨夕扶掖十餘
年不少懈父死居喪盡禮不以貧故儉其親旣葬凡
一鬻一菜必往奠之而後嘗通邑公舉孝行守巡兩

憲旌之曰湖南純孝曰孝孚輿論

文汝葵文化鄉民也未嘗從事學問祖沒家貧不能治喪以身質于隣人李良茂得四金以營葬傭作三載償之事父母竭力盡歡邑令徐開禧給扁聯旌之
蔣宗徽字美中嗜讀書溫衷粹行弱冠餼于邑事父諸生如圭及母陳昏晨寢膳纖悉必謹家政無鉅細每覘親志所鍾輒傾意及之宿豐于資知父喜施予歲嘗貸粟窶者不計償恤死佐喪周以棺槨皆取之素貯率以爲常生六子先後列邑序而徽猶煦煦膝下

臨武縣志

卷之三十三

孝友志三

若孺兒父卒哀毀祭瘞一如家禮母疾劇百計不可療徽引刀剝股肉烹糜以進竟得廖又益齡者二十人或譽之徽曰念膚髮所受敢自殲殘以重傷親懷高皇帝有明禁示不以訓也古人事親期循常道余以倉皇憤亂計無所出而爲此愚懵無術之行蕩踰名教方以爲慙奈何反見詡耶人益敬服之後里中火母櫬猶未舉徽自外至號天抱柩誓與俱焚風爲反撲而滅人以爲誠孝所感萬歷二年壽七十二終縉紳長者多以詩輓之

國朝

蔣良鑑字靈初世居邑城中生甫四齡母曾卒號慟辟踊無異成人觀者莫不悲感父諸生賢忠尋納繼室楊撫之稍長事父若母定省寢膳孺慕依然皆出其至性家貧卽一蔬粟必思曲投親懽而後已父孱而善病日夕侍牀第摩拊俟其熟寢乃少輟又踽踽無兄弟分勞勩以故不得離瞬息遂廢舉子業罷郡試同志者惜之事繼母楊一如其生母楊卒篤人子禮合塋于曾母之側父衰疾益劇乃齋沐禱于成仙觀

臨武縣志

卷之三十三

孝友志四

凡百日易簣之夕願以身代水漿不入口者浹辰平居每值父落齒遺髮必珍藏之至是以納之棺中曰全歸親志也服闋刺血肖父像事之出告反謁時食必薦伏臘必饗如生時年七十餘猶時篤念其親不忘也順治戊戌卒時攝篆師公土式旌曰孝德垂芳踰年值公歸窆李侯振麟手書大孝二字附于墓銘以殯之額其廬曰孝思維則有丈夫子四人伯子自修自有傳

文景新

詳見人物傳

鄺世仍

詳見人物傳

羅宏貴東隅民事孀母鄺氏依依不欲離每市甘鮮以
餉母退而蔬糲自飮也浮屠有報度之舉宏貴輒齋
食三年稱貸致醮禱窮七宵晝亦孝之不可沒者

以

上舊志

石大取

字

樂環文一都人早孤孀母蘇氏撫成大取力

耕贍養依依孺慕數十年如一日母卒一痛幾絕水
漿不入口者數日念母黨乏嗣購外氏村間隙地建
屋以棲外祖父母靈歲時率兒孫詣其處衣冠祭拜

臨武縣志

卷之三十三

孝友五

至老不衰嘗貨棺槨以周孤貧之無告者一日道拾
遺金一囊發視知爲借貸銀兩嘆曰此人身家性命
所關竚候失主還之其愷悌慈祥類如此兩膺鄉賓
卒年九十五康熙間旌

盧學禎文化鄉人賦性至孝幼失怙惟母是依及長家
無擔石鬻薪養母恒以窮困莫克慰親涕泣自搗一
日母病在床思肉糜甚急學禎無計可出乃割乳旁
肉烹奉母病竟愈鄰里見之莫不爲之酸辛前邑令
楊公黎公先後旌之曰永言孝思曰順德型鄉

續孝友

龍登元幼失怙事母甚孝年已頽白猶肫肫有孺子慕鄉人至今稱之

雷青雲幼聰慧事寡母以孝聞母年九十一雲年七十服勞奉養未嘗一日懈行詣端方言笑不苟鄉人咸敬服焉

曾承誨邑增生素敵內行父思孔性矜嚴以長子承謨遠官山西河東道不願就養誨遂謝去舉子業獨侍晨昏服食起居善承意旨每有所需恆先時謀致未

臨武縣志

卷之三十三

續孝友六十一

嘗稍違所欲以是愉愉翼翼卒無呵責聲父體故豐比老益艱於舉動坐臥溲溺誨悉扶持之晝夜不輟廖青錢字嵐庄歲貢生素恂謹以孝友著

黃啟輝邑增生少穎異尤篤於天倫事父母盛暑必深衣稟命冬夜數起省視因家貧橐筆遊粵東所得脩脯多市珍物遺親佳節生徒餽迭輒啗价馳歸謂家不恆得非老年饜飶不敢先嘗也母蕭氏故以苦節著輝痛未能顯揚比執喪水漿不入口者數日時俗親歿七七期過遂薙髮易服見親友輝悉循家禮百

日始櫛沐人問其故曰吾行吾志非示異特不願苟同耳生平溺苦於學以數竒連試不得志退課子弟咸豐戊午年七十七重宴泮林越五年以壽終

黃良榜字揚名弱冠執父喪哀毀骨立行路感動以事父曰淺奉母李氏旨甘滫瀡務得歡心冬晨起披母衣燠而進母善病術者謂壽無逾五旬心憂之聞全州無量佛靈每屆誕辰致齋躬禱數十年如一日母壽至六十有八人咸謂積誠之所致家故貧貿易少贏悉爲弟妹婚嫁誦讀資及弟分爨又以手所置產臨武縣志

卷之三十三 續 孝友 六二

遺之其孝友根天性如此子雲漢中式丁巳補科舉人考取覺羅教習人咸以爲厚德之報云